

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ՔՐԵԱԿԱՏԱՐՈՂԱԿԱՆ ՀԻՄՆԱԿՆԵՐՈՒՄ ԵՎ ՄԱՐՄԻՆՆԵՐՈՒՄ ՀԱՍԱՐԱԿԱԿԱՆ
ՎԵՐԱՀՍԿՈՂՈՒԹՅՈՒՆ ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴՆԵՐԻ ԽՈՒՄԲ

GROUP OF PUBLIC MONITORS IMPLEMENTING SUPERVISION OVER THE CRIMINAL-EXECUTIVE
INSTITUTIONS AND BODIES OF THE MINISTRY OF JUSTICE OF THE REPUBLIC OF ARMENIA

№ 24-034
11.10.2024

Հայաստանի Հանրապետություն
Քաղաք Երևան

«Առավոտ օրաթերթ»

ՄՊ ընկերության լրագրող /Aravot.am/

Արմենակ ԴԱՎԹՅԱՆԻՆ

Հարգելի պարոն ԴԱՎԹՅԱՆ,

Ի պատասխան Ձեր 2024թ-ի սեպտեմբերի 16-ի հարցմանը՝ տրամադրում ենք տեղեկություն հետևյալի մասին.


Վերջին երեք տարիների ընթացքում ՀՀ ԱՆ քրեակատարողական հիմնարկներում և մարմիններում հասարակական վերահսկողություն իրականացնող հասարակական դիտորդների խումբը (խումբ) ՄԻԱՎ դրական կարգավիճակ ունեցող անձանցից ստացել է ահազանգեր, և արձանագրվել են նրանց նկատմամբ խտրական վերաբերմունքի՝ պայմանավորված վերջիններիս կարգավիճակով, ինչպես նաև բժշկական գաղտնիքի խախտման դեպքեր:

Ընդ որում՝ խտրականությունը դրսևորվել է ոչ միայն ԶԿՀ-ի աշխատակիցների, ազատագրված մյուս անձանց, այլ նաև բժիշկ-մասնագետների կողմից, որոնք, ելնելով իրենց մասնագիտական պահանջներից, բավարար գիտելիքներ պետք է ունենան ՄԻԱՎ-ով ապրող մարդկանց հետ աշխատանքի վերաբերյալ, ինչպես նաև պարտավոր են պահել բժշկական գաղտնիքը:

Բժշկական մասի աշխատակիցների կողմից դրսևորվել է խտրական վերաբերմունք ՄԻԱՎ կամ ՁԻԱՀ ունեցող մարդկանց նկատմամբ և բժշկական գաղտնիքի բացահայտում, որի արդյունքում՝

- Վերջիններս պահվել են մեկուսացված, ինչպես նաև առանձնացվել են նրանց մենդի և այլ պարագաները:

Մասնավորապես՝ 2021թ.-ին հերթական պլանային այցի ժամանակ նկատվել է տարբերակված վերաբերմունք ՁԻԱՀ ունեցող անձի նկատմամբ: «Քրեակատարողական բժշկության կենտրոն» ՊՈԱԿ-ի՝ տվյալ ԶԿՀ-ի բժիշկների որոշմամբ անձին մեկուսացրել են և շարունակաբար պահել բուժմասի ստացիոնար բուժման սենյակում: Բժիշկների կողմից խմբին հայտնել են, որ անձը իր կարգավիճակի պատճառով չի կարող մյուսների հետ մնալ, շփման առարկաները նույնպես առանձնացվել են, և նա մինչև ազատագրվման ժամկետի ավարտը պետք է առանձին պահվի: Ընդ որում՝ անձի ՁԻԱՀ ունենալու կարգավիճակը չի նշվել՝ որպես ստացիոնարում պահման հիմք, նշվել են տարբեր այլ հիմքեր: Անձին՝ ըստ բժշկական փաստաթղթերի, տեղափոխել են խուց, այնուհետև բուժմաս, սակայն իրականում նա միշտ պահվել է բուժմասի ստացիոնարում: Պետք է նշել, որ ԶԿՀ-ում գտնվող մյուս ազատագրված անձինք ևս տեղյակ են եղել տվյալ անձի կարգավիճակի մասին և խուսափել են նրա հետ շփվելուց: Անձի հետ զրույցի ընթացքում վերջինս խմբին հայտնել է, թե



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ՔՐԵԱԿԱՏԱՐՈՂԱԿԱՆ ՀԻՄՆԱԿՆԵՐՈՒՄ ԵՎ ՄԱՐՄԻՆՆԵՐՈՒՄ ՀԱՍԱՐԱԿԱԿԱՆ
ՎԵՐԱՀՍԿՈՂՈՒԹՅՈՒՆ ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴՆԵՐԻ ԽՈՒՄԲ

GROUP OF PUBLIC MONITORS IMPLEMENTING SUPERVISION OVER THE CRIMINAL-EXECUTIVE
INSTITUTIONS AND BODIES OF THE MINISTRY OF JUSTICE OF THE REPUBLIC OF ARMENIA

№ 24-034
11.10.2024

Հայաստանի Հանրապետություն
Քաղաք Երևան

մեկուսացված է իր ցանկությամբ, թեև կցանկանար պահվել այլ անձանց հետ, սակայն մեկուսացված լինելը իր համար ավելի հարմար է, այլ եղանակ չի տեսնում:

Մեկ ուրիշ դեպքում անձին տեղափոխել են այլ ԶԿՀ՝ պայմանավորված իր կարգավիճակով: Մասնավորապես՝ 2021թ.-ին «Նուբարաշեն» ԶԿՀ կատարած այցի ընթացքում Խումբն արձանագրել է, որ խցերը նախատեսված են եղել 8 հոգու համար, և այդ ծանրաբեռնվածության պայմաններում ՄԻԱՎ-դրական կարգավիճակ ունեցող անձի հետ ոչ ոք չի ցանկացել համատեղ մնալ, ուստի անձին բժշկական ցուցումով տեղափոխել են «Դատապարտյալների հիվանդանոց» ԶԿՀ:

2022-2023թթ.-ի այցերի ընթացքում արձանագրվել են ՄԻԱՎ դրական կարգավիճակ ունեցող անձանց առանձին պահելու այլ դեպքեր ևս:

Խոշտանգումների և անմարդկային կամ արժանապատվությունը նվաստացնող վերաբերմունքի կամ պատժի կանխարգելման եվրոպական կոմիտեի (ԽԿԿ) չափանիշների համաձայն՝ բանտարկյալները չպետք է մեկուսացվեն բանտում պահվող այլ անձանցից, եթե դա խիստ անհրաժեշտ չէ բժշկական կամ այլ պատճառներով: Այս առումով, ԽԿԿ-ն հատկապես ընդգծել է, որ չի կարող լինել որևէ բժշկական հիմնավորում՝ բանտարկյալների մեկուսացման համար միայն այն պատճառով, թե նրանք ունեն ՄԻԱՎ դրական կարգավիճակ:

Արձանագրված խնդիրների լուծման ուղղությամբ Խումբը խնդիրները քննարկել է համապատասխան գերատեսչությունների հետ, իսկ անհրաժեշտության դեպքում նաև գրողություններ են ուղարկվել:

Նախագահ՝

Սերգեյ ԳԱԲՐԻԵԼՅԱՆ

Կազմեց՝ Շուշան ԽՆԿՈՅԱՆ
+37498606393